

立永杜賣契陳卿郎，有自墾水田二段，共一甲零五厘，每年應納官租陸石，沙園貳坵，共玖分，每年應納官租叁石，另牛埔壹所并竹苞、菓子、什物一完在內。坐址沙連后埔仔庄，帶有坡圳水分灌溉。其田園界址，批在契後，四至明白爲界。今因別創，托中引就本家將兄出頭承買，三面言議寔出時價銀壹百玖拾伍員，即日憑中交訖。其田園隨付與銀主前去掌管耕作，永爲己業。此田園果係自己物業，並無連財夥記兄弟叔姪人等同墾同置，亦無上手重張典掛，他人來歷不明及拖欠舊租等情，如有此等，賣主自當出干銀主之事，一賣終休，日後子孫房族人等不敢言贖洗找。此係二比甘愿，各無抑勒反悔，口恐無憑，立永杜賣契壹紙，付執爲照。

即日收過契內銀壹百玖拾伍員足。再照。

代書宗姪 陳岷山 (花押)

爲中宗兄 陳題觀

胞姪 顯

知見胞嫂 番氏

乾隆拾玖年拾貳月 日立永杜賣契陳卿郎

計開

一田壹段在坡上，東至陳隨觀田比連，西至坡，南至水溝，北又至陳素觀青埔。

一田壹段在厝後，東至陳素觀青埔，西至本家园，南至本家园，北至葉家园。

一園壹坵在厝後竹圍內，東至竹圍外本家田，西至本家厝後，南至車路，北至陳媽生菜園。

一園壹坵并牛埔壹所，在北勢，東至本家园，西至陳八埔，南至坎，北至溝。